

**Aningaasarsianit pigisanillu marloriaammik akileraarnissaq pinngitsoorniarlugu kiisalu
akileraartarnermi suliassanik ikioqatigiittarnissaq pillugu danskit naalackersuisuisa aamma
Naalackersuisut isumaqatigiissutaanni 18. oktober 1979-imeersumi allaaserisaq 24
naapertorlugu isumaqatigiissut**

Danskit naalackersuisui aamma Naalackersuisut,
aningaasarsianit pigisanillu marloriaammik akileraarnissaq pinngitsoorniarlugu kiisalu akileraartar-
nermi suliassanik ikioqatigiittarnissaq pillugu isumaqatigiissummi 18. oktober 1979-imeersumi al-
laaserisaq 24 naapertorlugu illua'tungeriit isumaqatigiissutaata 21. august 1990-imeersup, illua'tu-
ngeriillu 31. august 1997-imi isumaqatigiissutaatigut allanngortinneqartup allanngortinneqarnissaa
pillugu ilassutitut isumaqatigiissummik isumaqatigiissuteqarumasut,
makku isumaqatigiissutigaat:

Isumaqatigiissut ima oqaasertaqarpoq:

”Ullormusiat aamma angalanermi ajunngitsorsiat pisortat sinnerlugit suliaqarnermi naalagaaffimmit
danskillu kommuniinit tunniunneqartut, akileraarusiinerlu pillugu inatsimmi § 9 A-mi pineqartunut
ilaasut taamaallaat Danmarkimi akileraaruserneqarsinnaapput.

Kalaallit Nunaat ullormusianik aamma angalanermi ajunngitsorsianik akileraarusinnginnerminut
taarsiissutitut ukiumut aningaasanik 3,3 mill. kr.-inik pissarsisassaaq.

Aningaasat 2013-imiit procentimik ataatsimik aaqqiivigineqartassapput, tassa naalagaaffiup ukiumi
pineqartumi ingerlatsinermut missingersuutaani akit akissarsiallu aaqqiivigineqartarnerisa agguqa-
tigiissinneqarnerannut naapertuuttumik.”

Illassutitut isumaqatigiissut manna atortuulissaaq ullormi illua'tungeriit marluullutik atsiuiffianni.
Illassutitulli isumaqatigiissut siusinnerpaamik atortuulissaaq ullormi Folketingip isumaqatigiissum-
mik akuersissuteqarnera pillugu inatsimmik nalunaarutiginniffiusumi.
Illassutitut isumaqatigiissut atuutilissaaq ulloq 1. januar 2013 aallarnerfigalugu.

Illassutitut isumaqatigiissut manna atuuttuassaaq isumaqatigiissut 18. oktober 1979-imeersoq atuut-
sillugu.

Københavni suliarineqarpoq, ulloq2012, danskisooq kalaallisoorlu marlungorlugit,
taakkulu oqaasertaat naligiimmik atuussuseqarput.